

修訂日期: 2009/04/22 發行日期: 2009/5/9

發行單位: 中華電子佛典協會 (CBETA) <http://www.cbeta.org>

資料底本: 卍新纂續藏經 Vol. 01, No. 001

原始資料: CBETA 人工輸入, CBETA 掃瞄辨識

No. 1

圓覺經佚文

余嚮偶獲古宋本大方廣圓覺修多羅了義經下卷一帖。一紙廿行。行十二字。經末有左藏庫西潘閩巷(一行)內李三二郎印行(二行)之記。今檢尋其文。汝善男子當獲來世是修行者。無令惡魔及諸外道惱其身心。令生退屈之下。有爾時世尊(乃至)無令生退屈等一百一十三言。此現存諸藏本所無也按此經文。圓覺會中有十二菩薩。各從座起發法問。佛亦各答之之事。而經先以長行詳述。而後以偈重說之。然至於敘最後起座賢善首菩薩與佛問答。唯有長行而無偈。文體既不一。乃其為誤脫可知耳。今為看舊藏經者具錄其文于左云爾。

明治辛亥歲十二月

松本文識

爾時世尊。欲重宣此義。而說偈言。

賢善首當知	是經諸佛說	如來等護持
十二部眼目	名為大方廣	圓覺陀羅尼
顯如來境界	依此修行者	增進至佛地
如海納百川	飲者皆充滿	假使施七寶
積滿三千界	不如聞此經	若化河沙眾
皆得阿羅漢	不如聞半偈	汝等於來世
護是宣持者	無令生退屈	